

## ОКТАБРЛӨН ТУЙ \*

Сьёкыда овлісны  
Голь йёзыд войдөр,  
Биысь моз повлісны  
Озырысь нэм.

Гөльястө личкаліс,  
Нартитысь войтыр,  
Быдногөн пычкыліс  
На пытшкысь вем.

Рабочёй шырзбыліс  
Көртъяс и пуяс, -  
Заводын мырсьбыліс  
Кодлы - оз төд.

Помещик кабырын  
Вөліны муяс, -  
Кызди нө та бөрын  
Лоан тэ пөт?

Гөгөрбок жөдзисны  
Быдсяма врагъяс,  
Пемыдлун көдзисны -  
Мойдісны «грек».

Гөльясөс йирисны  
Нидзув кодь гагъяс,  
Өтарө зырисны  
Топөдны век.

Скөтөс моз нулісны  
Войнаяс вылө,  
«Пукты пө, - шулісны, -

Сар понда юр».

Асьныс тай кольчисны  
Пыдөджык «тылө».  
Небось тай польчисны -  
Көвтисны бур.

Милльонөн усисны  
Кось вылын вокъяс...  
Кутіс сэк пузыны  
Ловъялөн вир.

Тшыг йөзлөн мудзисны  
Кияс и кокъяс,  
Подувъяс судзисны  
Колө нин мир.

Гөгөрбок корсисны,  
Коді тан мыжа, -  
Сьөлөмнас чорзисны,  
Паськаліс син.

Вөлөмкө, властьясыс  
Пырёны тышө -  
Корсьёны дасьясөс  
Ыджыджык чин.

Февральын «пыртисны»  
Столица карөс, -  
Шойясөн тыртисны  
Ветлөдлан туй.

Эз и дыр бөрйыны,  
Чужтисны сарөс,  
Көсйисны перйыны  
Олөмлы туй.

Бара на дзугсисны -  
Сувтісны джынъяс:  
Сар пыдди пуксисны  
Озыр да князь.

Керенскöй вöчаліс  
Ас ногыс чинъяс -  
Бара на лöсяліс  
Озырлы мазь.

Война эз дугöдны,  
Олöм эз вежсьы,  
Карьясöс жугöдны  
Эз на ло шань.

Крестьяна колины  
Кöсйысьöм кежсьыс:  
Во джынсö коллыны  
Оз тырмы нянь.

Йöз пöвстысь петісны  
Вежöра войтыр,  
Йöзыслы сетісны  
Сьöлöм да вын.

Кодъяс зэв лышкыда  
Овлісны вайдөр,  
Найöös «чышкытöг»  
Некыз он мын.

Октябрын вермисны  
Вунöдны полöм,  
Враг вылö скöрмисны  
Пöрысь и том.

Путкыльтчис, пазалі  
Важся лёк олём,  
Сьёд кымөр разалі,  
Разсис көрт дом.

Водзиыс югдёма -  
Веськыда мунам.  
Олёмө пуктёма  
Стрөйтчан из.

Сө - Сө - Рө пасьтала  
Дорам коммуна -  
Быдмө да паськалө  
Социализм.

\* Медводдзаысь печатайтёма 1929 воын.

Ордым. - 1929. - № 11. - С. - 3.